

UGOVORNE STRANE

NACRT

1. **Općina Ilidža**, ulica Butmirska cesta br.12, koju zastupa **Općinski načelnik Nermin Muzur**, magistar uprave (u daljem tekstu: **Davalac sredstava**) i
2. _____ iz Ilidže, sa prebivalištem u ulici _____ br.____, JMB _____, I.k.broj: _____, izdata od strane MUP KS Ilidža (u daljem tekstu: **Korisnik sredstava**), zaključuju:

U G O V O R

o sufinansiranju samozapošljavanja

Član 1.

Predmet Ovog Ugovora je regulisanje prava, obaveza i odgovornosti ugovornih strana u realizaciji odobrenih novčanih sredstava kroz mjeru „podrška samozapošljavanju registracijom vlastitog biznisa“ iz Budžeta Općine Ilidža, u skladu sa Javnim pozivom objavljenim na službenoj web stranici Općine Ilidža, kao i Obavještenja u dnevnim novinama _____od _____.godine.

PRAVA I OBAVEZE UGOVORNIH STRANA

Član 2.

Davalac sredstava se obavezuje da će, uz uslov poštivanja svih odredbi ovog Ugovora u trajanju od 12 (dvanaest) mjeseci, na račun Korisnika sredstava uplatiti ukupno 8.800,00 KM (osamhiljadaosamstotina i 00/100) od čega:

- a) Odmah po zaključenju ugovora, jednokratni novčani iznos od 400,00 (četiristotine i 00/100 KM), na ime troškova registracije ili dijela troškova registracije;
- b) Svaki mjesec za prethodni mjesec, refundirati iznose od po 700,00 KM (sedamstotina i 00/100 KM) Korisnici sredstava, za uplaćene doprinose, a za slučaj da je iznos sufinansiranja veći od troškova doprinosa, ostatak se koristi za isplatu dijela neto plaće.

Član 3.

Korisnik sredstava je obavezan:

- a) Registrovati samostalnu djelatnost na području općine Ilidža prema navedenom poslovnom planu koji je sastavni dio prijave korisnika sredstava na Javni poziv, i to u roku od 30 (trideset) dana od dana uplate dijela sredstava iz člana 2. tačka a) ovog ugovora i ovoj Službi dostaviti slijedeće:
 - Fotokopiju Rješenja o registraciji djelatnosti;
 - Ovjerenu fotokopiju Uvjerenja o poreznoj registraciji – ID broj;
 - Ovjerenu fotokopiju Obrazac JS 3100 (prijava osiguranja prethodno zaprimljena u poreznoj upravi) i
 - Broj računa otvoren kod poslovne banke.
- b) **Za period od 12 (dvanaest) mjeseci Općini dostavlja Zahtjev za refundaciju novčanih sredstava uz dokaze, i to za svaki mjesec:**

- **Obrazac Porezne uprave Federacije BiH za plaće (Obrazac 2002);**
 - **Specifikacija uz isplatu plaća za Korisnika sredstava vezano za član 2. tačka b.) (platna lista ili obračun plate ili obračun dohotka ili rekapitulacija i sl.);**
 - **Izvod sa žiro računa sa kojeg je vidljiva isplata plaće za sufinansiranu osobu, kao i uplata zakonom propisanih poreza i doprinosa;**
- c) Korisnik sredstava registrivanu djelatnost ne može odjaviti u periodu od najmanje 12 mjeseci od dana registracije;
- d) Korisnici sredstava dužni su objaviti informaciju da je davalac budžetskih sredstava finansirao ili sufinansirao program;
- e) U svrhu promocije mjere „podrška samozapošljavanju registracijom vlastitog biznisa“ Korisnik sredstava se obavezuje da će se odazvati na poziv Općine.

Član 4.

Davalac sredstava je dužan, nakon prijema dokaza iz člana 3. ovog Ugovora, novčana sredstva iz člana 2. tačka b) refundirati najkasnije do 20-og u mjesecu za prethodni mjesec.

Član 5.

U slučaju da je Korisnik sredstava dao neistinitu Izjavu da nije koristio nepovratna sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža i/ili druge podatke značajne za odobravanje sredstava ili lažnim prikazivanjem činjenica Davaoca dovede u zabludu, Davalac sredstava će o navedenim činjenicama obavijestiti nadležne organe podnošenjem odgovarajućih prijava.

Ukoliko nadležni organi utvrde činjenice iz stava (1) ovog člana, Korisnik sredstava obavezuje se da će vratiti sva doznačena sredstva uplatom na depozitni račun Općine Ilidža, otvoren kod UniCredit banke, broj: 3380002210024598, Svrha uplate: povrat sredstava, Šifra općine:078, Vrsta prihoda: 722719.

Član 6.

Davalac sredstava ima pravo kod nadležnih organa, uključujući Službu za zapošljavanje i Poreznu upravu, provjeravati podatke koji se tiču Korisnika sredstava za samozapošljavanje i ovog Ugovora.

Davalac sredstava ima pravo, da cijeni potrebu, da izlaskom na lice mjesta ili na drugi odgovarajući način kontroliše izvršenje prava, odnosno obaveza koje Korisnik sredstava, preuzima ovim Ugovorom ili su bili uslov da se ovaj Ugovor zaključi.

Član 7.

Izvršenje ovog Ugovora prate službe Općine Ilidža, i to: Služba za privredu i lokalni ekonomski razvoj i Služba za finansije.

TRAJANJE UGOVORA

Član 8.

Ovaj Ugovor stupa na snagu danom potpisivanja obje ugovorne strane i važi za period od 15 (petnaest) mjeseci od dana potpisivanja u slučajevima poštivanja Ugovora, a što je ujedno i rok za njegovu realizaciju.

RASKID UGOVORA

Član 9.

Davalac sredstava ima pravo jednostrano raskinuti ovaj ugovor, bez otkaznog roka, u slučaju da korisnik sredstava ne izvršava svoje obaveze iz ovog Ugovora.

Član 10.

Korisnik sredstava može jednostrano, bez otkaznog roka raskinuti ovaj Ugovor u slučaju da odjavi djelatnost koju je registrovao, ali je dužan Općini, najkasnije u roku od 15 (petnaest) dana od dana odjave, u pismenoj formi dostaviti obavijest.

Član 11.

U slučajevima iz člana 9. i 10. ovoga ugovora, Davalac sredstava će od Korisnika sredstava zahtijevati povrat do tada uplaćenih sredstava.

Član 12.

ZAVRŠNE ODREDBE

Eventualne sporove ugovorne strane rješavat će sporazumno, a u protivnom putem nadležnog suda u Sarajevu.

Član 13.

Ugovor je sačinjen u četiri istovjetna primjerka od kojih svaka strana dobija po dva primjerka.

KORISNIK :

OPĆINA ILIDŽA
OPĆINSKI NAČELNIK

Nermin Muzur, magistar uprave

Broj:_____

Broj:_____

Ilidža,_____

Ilidža,_____